

沁香閣詩集


涵秋遺著 警眾校訂

茶陵譚澤闓題



上海震亞圖書局出版

中華民國十六年十月初版



涵秋遺著 沁香閣詩集 全四冊

定價大洋一元二角

著者	李 涵 秋
校訂者	李 警 衆
出版者	朱 挹 芬
印刷者	青島路西福海里二弄一四五號 上海震亞圖書局印刷所
總發行	青島路西福海里二弄一五二號 上海震亞圖書局發行所
分發行	棋盤街交通路口九十八號 上海新民圖書館發行所
代發行	各省中華書局 各省書局

沁香閣詩集 卷五

戊申年

蝴蝶

桃李成陰柳合圍。化為蝴蝶不須歸。奈何纔抱花心睡。又向他家枝上飛。

憚楚卿以詩來復贈楚卿

懺除綺語已經年。草草春風二月天。一笑爲卿重破戒。却分花俸買詩箋。
妾家生小近姑蘇。回首鄉山夢有無。命是絮萍身是葉。女兒長合落江湖。
人海茫茫汝慣經。舞衫歌扇太伶仃。輸他畢竟依夫壻。莫更傷心怨小青。
藥爐茶灶冷相思。一任東風蝕鬢絲。偶對桃花想顏色。紅樓西畔立多時。
客懷消遣太無從。送盡年光旅邸中。陡覺滿園春意思。美人詩剪碧紗籠。

綺香館裏釀青春。玉軸牙籤好自珍。他日相逢莫相避。阿儂將汝當詩人。
一笑珠璣落紙初。低聲直欲問何如。新詩寄與卿收拾。才配人稱女校書。

謝韻梅女士題雙花記

往事如塵瞥眼空。更無消息落吳中。不平猶累癡兒女。爲遞新詩製碧筒。
鬆鬆髻子未盤鴉。似覺新涼浸袖紗。啞雨雌風人意寂。偶拋金釧理雙花。
韻梅辨琴又以書來諄諄以執贄門下爲請其意可感賦此致謝並乞一和
何日人如玉。來停問字車。吐絨香在壁。立月影平花。餘事耽書史。新詩落齒牙。紅
樓何處是。縹緲漢陽霞。

白桃花詩分咏有序

大化迭運萬事遷。變獨風雅一道所以搖蕩性情。抒寫物理可以亘千古。
而不滅。蓋比興非干祿之具。金石無媚世之術。古人陳迹日月代謝。吾徒

詠歌幽居靡悶詩未可遽廢而不作也。今年春旅居岑寂風雨累日偶得白桃花題用以求益。當世素淚失豔寫春士之羈愁香雲忽貞懺美人之往事藉茲體會感蕩心靈浹旬之間盈積累百佳篇什一意者能詩者未嘗作而作者又未嘗經意也。乎迢迢楚水渺渺湘雲是騷客之故居也流風其庶幾未沫與抑聖天子在上而美人香草之感未可形諸筆墨也。撫樹婆娑斯詠斯嘆同人見余如屬余執筆然論人易工待已遂恕卽用摹擬豈復卓絕亦引玉者不自知其爲磚而攻錯者或相諒其爲石而已。

一曲歌殘燕子箋。媚香樓圯冷鞦韆。亭台春淺重重雪。溪塢風迴漠漠煙。才子文章慚少作。美人懺悔到中年。眼前洗盡繁華態。消受輕寒薄暖天。珍珠簾外月痕底。鷓鴣聲聲不住啼。到此冷銷神女夢。是誰豔說武陵溪。綠雲照水堆成浪。紅雨前村濺作泥。獨倚峭寒抱瑤瑟。梁園燕子又雙棲。

春衫新試五銖輕。楚楚香雲畫裏行。黃月半鉤工渲染。紅樓一角更分明。示人香色原無味。謗汝輕狂覺不情。門巷重來太蕭瑟。淒淒芳草馬蹄平。年年浪說嫁東風。腮暈于今已不同。思婦淚光珠宛轉。女兒身影玉玲瓏。勘空色相參禪偈。銷盡春痕仗化工。扇底桃花翻舊譜。莫啼鴟血故王宮。

答鳳竹孫讀我編定綺香館十春詩戲效竹孫體

本是玉皇香案吏。而今來作女司書。欲栽桃李上粧閣。先種春風滿畫櫺。求才乃有媼宰相。持版願爲雌大夫。憶公當年筆則筆。北里志非東家儒。

郝烈婦詩

烈婦蕭姓揚州甘泉西鄉人。歸同邑郝煦春。郝設豆腐作於揚郡南門街。四月染疫垂死。父持之而泣。烈婦夜禱于庭。願以身代。禱畢。擁兒於懷。飽乳之。而後越牆出死。枯隍中。余聞其事。弔以詩。復徵當世題詠。裒然成冊。

上天降災。乃及兒夫。刀風吹兒襦。箭雨攢兒膚。兒夫死矣。兒何如。一解荒燈茅屋。寒
鷄臚臚。白髮老翁。背兒而哭。二解蕭蕭堂上親。呱呱襁中兒。父自哭。兒兒垂危。母將
棄兒。兒不知。視兒再三。妾心悲。三解妾懷喂兒乳。淚千行。更四鼓。黑風壁立有鬼
語。兒生五月。乃無母。兒母怨母兒命苦。四解口不曾誦詩書。不知胡以謂上疏。目不
曾覽史鑑。不知胡以謂殉難。妾代夫死。妾妾之心。汝神有靈。神其聽。汝神不聞。神德
腥枯。隍長夜春冥冥。五解烈婦死。夫果生。金石爲開。天地驚。吁嗟視此烈婦誠。六解君
不見富貴人家兒女子。冰霜不到深閨裏。春花秋月常如此。墮裂總帷換羅綺。對
茲烈婦當愧死。七解婦姓蕭。甘泉人。歸其夫。名煦春。沒年二十有九。齡戊申四月之
中旬。世業屑豆聲鄰。哀哉適爲吾鄉親。名氏不彰。防湮淪。吾爲誌之。當貞珉。八解

雨中訪陳硯農

鎮日追尋過寓齋。分花拈韻聘詩才。無端更就驚人句。冒雨衝煙笑得來。

哭徐念慈

十日前頭接素書。商量事業到樵漁。

前致余書云當夕陽西下蹣跚馬路中覺此身如寄百感交集不知心緒惻惻胡以如是也行人匆促靡肩往來一

似此片剎光陰不容虛度細觀彼輩未必盡有恆業而栗碌若是孤身閒步反若不繫之舟無所容之匏不亦爲造物所笑耶想我公聞之或將以厭世相規也暇偶讀唐詩覺古人皆先我大澈大悟執筆欲效爲之又苦不相似語語解脫知其不祥然不謂如是之遽也傷心文字皆成識。撒手幽明便異居。濁世本無天可問。

浮生覺比夢尤虛。申江樓上離筵酒。

今歲孟春一晤君于滬上猶說重來訪故廬。

感事都應血淚斑。

又論某事云人情狡猾反翻雨雲甲固非矣乙未嘗是也大抵人羣益多則傾軋排擁之風益盛而其手段亦如偵探家之不易捉摸弟歲僅三十餘涉世十年而

百念皆灰恐此種前途于文明發達實南轅而北其轍耳年來病骨已孱孱。又云胃病旬日一發如潮沙之不爽時中西藥俱服能享此福者然則執筆以從役又何異操刀以自殺哉嫉人太甚寧爲鬼。入世嫌多肯出山。卅載終憐遺蛻疾。十

年不爲著書閒。

君所譯著之書甚夥鯁生筆墨今成帙。更向誰人乞手刪。

余有所撰著皆由君所發起之小說林印行

江草江花路幾重。故人灑淚悵秋風。便拋妻子心難死。

君蘇人絮眷來滬

遠隔關河計未通。

把劍俠腸終寂寞。修文幻想總朦朧。無端報紙傳君耗。猶祝相如字偶同。

大水江南釀巨災。萬家炊竈長青苔。百年不免老病死。一瞬如歌歸去來。但有孤魂縈墓木。莫傳時事到泉臺。書齋我亦蕭條甚。如此吟詩事可哀。

謝韻梅女士惠箋

玉人訝我疏緘札。遙贈瀛洲十匣箋。索看新詩入霞綺。自憐秃筆無雲煙。啓封一笑距躍百。襲錦十年珍重千。怕有秋江魚雁怨。頻將消息到君前。

大旱謠

晴風走樹聲沙沙。秋塘白泥枯無蝦。父老開門對愁嘆。東山紅日西山霞。乾荷擊刺脆柳舞。杳杳九閭帝無語。旱龍在天非雲霓。吸我脂血作紅雨。巫尪鼻孔能爲災。千年野魃生莓苔。報道前村鎮相殺。涸池爭車車如雷。萬山熱渴煙成陣。彩雲暈月磨銅鏡。憶我江南媚素秋。釵鈿如水琴書潤。

中秋

却笑天無賴。今年不做秋。雨隨風織線。雲嚙月如鉤。酒骨寒于鐵。詩魂冷若囚。淚花彈未落。倚枕夢揚州。

賀門人李伯永新婚

去年曾贈陸郎詩。陸儀閣新婚。余亦贈五截。今歲還吟却扇詞。忙煞先生一枝筆。春風循例寫關雎。

高秋吹入畫筵前。赤暑匆匆稅駕旋。涼月自圓花自好。滿城簫鼓嫁人天。大母精神海鶴姿。摩娑老眼看花枝。却孤梨棗扶床走。笑說當年抱汝時。畫眉妨了綉工夫。細數年華一笑初。郎十七齡卿十八。由來明月姊稱呼。論我姻親是伯兄。無端講席作先生。紅毡消受雙雙拜。長立公然看禮成。

金太守煦生過訪賦此却寄

槐軒失殘暑。拋書生幽情。雨苔滿車轍。白駒時一鳴。弟兄不相識。今夏僧煦生通譜爲昆季至是始一晤。

握手心爲傾。使君亦肉食。癯貌使我驚。夏口治繁劇。現署夏口廳事大官多送迎。簿書厚一尺。終夜繞案行。催租無良術。載酒勞春耕。琴堂絕鞭朴。落花時有聲。使君不爲利。使君不爲名。有人笑使君。醇然一書生。吁嗟安得千書生。使我天下民氣平。

漢陽鎮署赴飲却寄韻梅

萬馬盤營擁甲兵。牙旗開處見書生。墉堦軍色搖湘水。鼙鼓秋聲動漢城。黑帕健兒擎酒榼。蓬頭小婢說詩名。狂來我欲呼君問。枉說趨庭告禮成。韻梅是日以病未出見

九月既望金太守煦生以電信來報謂柚斧生日未能渡江一叙屬代補祝戲以詩答之

寒風瘦江水。新雨肥修菊。匆匆馳素書。飛電天何速。開緘三十字。字字見情篤。上言歎良晤。下祝無量福。而我轉失笑。同城接鄰屋。登堂欠一揖。疏懶罪莫贖。蟹殼珊瑚紅。魚鱗翡翠綠。欲來酌柚斧。酒甕松花熟。共醉不成歡。憶君海心曲。

雨夜懷韻梅

濕雲過屋寒有聲。挑燈默坐生幽情。江水高作一千尺。橫拖風雨來孤城。孤城之下君所住。詩思如山飛不去。熨貼芳心裁作詩。唇脂口馥無尋處。四壓紅簾怯嫩寒。遙知花燭未輕彈。欲將奇句鑾風雨。赤鯉馱書寄我看。

贈憚懺菴

能訪詩人應不俗。禿襟小帽入朱門。世無北海慚賓客。我喜南田有子孫。一代蛾眉銷俠骨。半奩蠹粉蝕吟魂。遙知風雨秋亭底。肯對寒花坐石根。

金煦生大兄惠來蟹一筐酒二瓶賦此奉謝

秋籬昨夜作霜花。一剪新寒慟帽紗。正是江南好時節。淡煙水淺蟹爬沙。桐花滿屋碧秋寒。劃斷金釵竹粉乾。多謝風流賢太守。敲門親爲送豬肝。右手持杯左手螯。公然一醉便醺醺。茫茫黑夜衙參急。知否青山笑爾曹。

來書云以勞于民
事不能共此一醉

知君獨立平生志。寫入丹青亦不羣。

並贈小影一幅

我嘆誤人是朋黨。清流此輩鎮紛紛。

畢司馬岐山輓歌

江夏有一老。死身不死名。身隨土壤化。名與風雷爭。問君胡能然。道在惟一誠。盛德各有述。嘉行已可旌。我更進狂言。欲使聞者驚。公乃市隱耳。非有冠蓋榮。榮榮爲其大。里人心胆傾。浩氣塞天地。衆望無公卿。方今重古道。青松忽不貞。泣淚滋土花。墓門鵩鷃鳴。長楸與大柏。鬱鬱巍佳城。令子曰鈞堂。述公之平生。乞我作輓歌。一再殊有情。鰥生釘餽文。何爲公重輕。闡幽與有責。落筆詩已成。愧彼賤丈夫。有詩媚簪纓。

出郭

出郭不二里。草蟲時一鳴。水花驕野色。風葉戰秋聲。淡日戀高塔。寒雲入暮城。歲

華今又晚。遙觸故鄉情。

歸途遇雨

小雨輕于粉。疏疏浣素衣。鳥爭寒樹集。人逐笨車歸。齒瀨風潮惡。移燈笑語微。亂蛩涼不响。窗外豆花肥。

感懷

霜壓紅欄未可捫。鮫綃仔細認啼痕。本來太早憐婚嫁。難隔相思到夢魂。小蝶戀春梅已破。寒鴉馱月柳初髡。書齋草草商歸計。楚水潺湲楚樹昏。

冬日偶成

空館流白日。朱門無真人。俊鷗矜嚴曉。癡蠅寵小春。玉琴斷消息。寶劍沒風塵。七尺屏間鏡。翻令羞此身。

酬卞明府孟韜贈全唐詩四萬八千九百首兼以述懷

純臣卞開府。公子信陵君。遠犯風雨夜。親攜冰雪文。交誼見子面。詩城張吾軍。可憐冠蓋客。逐末正紛紛。

桑嘴發新蛹。山池種小魚。預商歸隱計。未患稻粱虛。硯墨潑成字。君作擘窠書絕佳勝囊錢罄買書。風塵多俗吏。君意欲何如。

輓金長芬世兄

長芬爲煦生。太守次子沒於海上。煦生以書來報語極悲感。當時勿勿慰唁。有膝有令子。終逾鄧攸。西河喪明。寧非賢者之語。因廣其意。用釋悲懷。我還非我有。此外盡微塵。大化偏多事。能爲未了因。縱橫償涕淚。解脫是冤親。枉說南無佛。蓮花不壞身。

一氣混茫裏。何曾有玉樓。文章原折福。性命亦成讎。怨魄索鄉梓。芳齡淺墓楸。何堪憑弔意。江水共悠悠。

答羅浙波

羅浙波錄其所著含邈陶孟搖蕩儲王論詩一章尤所心折遙知其人必軼塵俗余冗于筆墨不常作韻語間作亦非復曩日之爛熳豈此境亦有世故耶爲之悵然奉答三首亦與浙波論詩之意云爾

亡風不亡頌。昔已薄殷周。眞士貴情性。纖人工應酬。落花懷廢舍。春酒上公侯。縱是纒成帙。終爲楮墨羞。

吾愛羅夫子。逸情高人雲。江山驅禿筆。花草老征裙。落紙作奇响。登壇亦勁軍。祇愁人不肯。夜雨聽秋墳。

我亦嗜吟咏。詩成空自憐。紅窗謔小語。綠鬢紀流年。格律何曾細。清狂未是賢。倘君一披覽。或者轉泠然。

感時

歲歲磨驢向天末。鬢絲白日共消磨。妻孥迢遞知心少。父老艱難望治多。苔暈小花蛭壞壁。柳拋殘葉下官河。岩疆何事頽銅柱。慚愧當年馬伏波。

得家書知寶鸞誕五日忽殤

我聞生兒時。是時兒已故。來既自何方。去又歸何處。曇花祇一現。新葉忽辭樹。獨笑三日前。賀我詩爭賦。消息隔經旬。怨此迢迢路。

江口晚渡

船輕載人多。側側雙輪險。振衣去不顧。來就松花牕。登舟覺岸動。打槳知程遠。殘照墮林木。朔風做刀剪。鶴樓忽俯仰。石塔微明閃。長天一雁過。哀唳寒雲卷。江樹何年栽。江流何日淺。浪淘英雄盡。時清聲鼓歛。容我立中流。照水秋衫輒行近。石壁萬篙落雨點。空隙振繁响。榜人競牛喘。勞者復爲誰。霜嚴足尙跣。野火映村煙。漁網掛乾蘚。我樂雖及時。念此滋淚泣。歸來起寒更。酌酒烹春鱠。一醉擁孤衾。